

中國地方志集成


河北府縣志輯 ④⑥

康熙青縣志

民國青縣志

雍正阜城縣志

上海書店 ● 巴蜀書社 ● 江蘇古籍出版社



青縣志總目	卷之一	星野	疆域	山川	古蹟	沿革	建置	里分	戶口	青縣志 目錄	地畝	賦役	卷之二	祠廟	寺觀	典禮	職官 附名宦	卷之三	人物 附鄉賢 隱逸賢	風俗
-------	-----	----	----	----	----	----	----	----	----	-----------	----	----	-----	----	----	----	-----------	-----	------------------	----

災祥

物產

卷之四

藝文

青縣志凡例

一舊志僅上下二卷今經纂修分爲四卷篇章仍自寥寥其簡約之故載在叙中茲不復贅

一戶口財賦民生

國計攸關至要且鉅也舊志列於寺觀物產後茲則進而前之

一興濟既經歸併不得自爲一編凡應纂事例因類附入合二爲一乃不失

國家裁併之意而每條必冠以興濟歸併非惟便覽亦且不沒其名

青縣志

凡例

一守禦所人物不少槩見以其舊隸滄州所有科目節烈等已載州志故除丁地附列外餘不贅入

一邑俗素尚風節孝義貞烈寧止數人惟門經旌表鑒鑒耳食目擊者方載蓋湮沒弗傳者多矣一青人詩文不乏惟擇關於邑之利弊景物者登之其餘著作或長篇或短章槩以鈇叢未入殊憾遺珠

一青舊無志有之自青陽應公始重梓原併志姓氏不悉所自後有作者諒猶今之視昔

一舊志寓賢未載殊屬缺典今所載遠左諸公皆忠貞世篤一代名臣也僑青多年位極貴顯猶切故鄉并州之誼雖其豐功偉烈職在太史而邑乘亦曷可畧乎敬爲登入式光茲編

邑後學王家彥識

青縣志

凡例

二

青縣志姓氏 舊修

青縣知縣應震纂評

儒學教諭王納言

訓導張朝卿 編太

廩生王茂學

李對揚

馬嘉祐

姚泳 纂輯

李應

石國璽

青縣志

卷之一 姓氏

一

姚之官

儒士陳坤

遷居姓氏 重修

知青縣事臨淄楊 賈

知青縣事三韓劉允恭

青縣訓導益津錢占斗

邑人姚景

姚景

姚映

姚

姚

姚

姚

姚

姚

姚

姚

青縣志序

縣之權輿自後唐置蘆臺軍
以來歷年所已如干矣則志
之著述邈元以上實莫可考
也明萬曆間吏茲邑者東郡
伯興應公悵然以無志為欠

楊序

事謀諸諸子衿急為之而陳
生坤輩始摺撫曩帙哀輯以
成其書越六十餘稔而至今
茲

天子以一統不可無志先命十五
國羣修之用備采錄青卽一

隅疲敝亦屬盛代雷封邑乘
義例曷敢闕畧余承乏踰三
載其間若鉅若細凡事之宜
知者罔弗兢兢廉察懼實不
至而違知此縣之名也因念
宣尼訓治國者首言事而主
一敬夫敬則未有不簡者無
論墉隍疆界星物人材戶口
錢穀風會變置直可舉一切
而槩之以事事之宜知者知
之則宜簡者尤不可不簡也
自非然者誇多闢靡不至汪

洋浩瀚而不已微具良史三
長何克勝任而愉快耶乃前
學博茂才于席虔諮厥事期
得典則之筆以當之且思文
藝必原于行誼華而不實縱
奇崛闕肆而愈覺堪嘔以故
發幽光昭興廢指利弊惟公
正周詳者可託也爰從衆請
急延修缺姚君挈其綱領二
三洽聞文學翼其成功閱一
弦朔有奇而告竣而修缺者
孝友人也兼之湛深六籍暨

旁識諸家言局關謝冗固嘗

讀伊先大夫缺菴公編纂十年未刊之志藁而更敬求練要如余之所謂簡者傳信不傳疑亦邑乘之足考徵者矣而余遂可以無憾

楊序

皆

康熙癸丑正月中浣之吉

賜同進士出身知青縣事營丘楊

霞題

青邑志序

粵稽史爲古今必覽之記誌爲古今必考之書不覽史無以知歷來國家治亂之由政事得失之機不考誌無以知歷來郡邑更易之各人物興

劉序

五

衰之實誌史雖殊著述者必參觀而訂證博洽者必羅識以靡遺是天下第一共貫之文章而未可以二視之也然史求其信之難誌求其確之難而確之一字較信史尤難

蓋都會山川之名屢變無窮
累代區宇異見諸儒傳注異
聞如神禹九河班志僅得其
三有商八遷孔疏未聆其四
釋文選不知彙庚箋本草不
知沙苑踵舛襲訛奚堪殫悉

列序

六

欲祈陵谷之克真人物之鮮
爽譽焉而係風化之原揚焉
而關倫紀之重允愜輿情槩
不多覲豈非又艱於史者哉
興朝定鼎以來百度維新千秋
鑑竣而統志是急聿命十五

國羣纂之而青爲畿南要地
詎以今成眇邑恁其淪湮癸
丑暮春余叨蒞斯土正欲敬
求其事而賴諸君子已彙續
惟佳母容讒語細繹篇章誠
陵谷之克真人物之鮮爽譽

列序

七

焉而洵係風化之原揚焉而
厥關倫紀之重楊公所云傳
信不傳疑可以無憾者而余
尚有何慊乎爰壽之梓

三韓劉允恭題



青縣志小序

青舊志創于明萬曆丁未迄今六十餘載矣在當日固爲完書自今日觀之則闕畧未備者實多如戶口之豐耗田賦之損益官師之代遷賢才之聚出災祥之迭見民習之易移今昔殊轍月異而歲不同非重爲纂輯何以信今而傳後乎邑侯楊公遵

姚序

八

功

令修志俾

不肖

得與其事自揣謏陋

本欲以不敏辭第念先君子爲孝廉時慨舊志簡畧殫力搜採歷十年而殆成帙未及付剞劂忽罹兵變原藁逸失無存先君子嘗嘆志

藁旣成復失無以發潛闡幽不惟

生者無色卽亾者亦爲不幸每談

及此不勝惋惜今日修志之役不

肖固勉副邑侯楊公命亦以體先

君子未竟之志也愚兄弟同馬君

戴君輩自去歲臘月望日爲始共

行編錄經三旬告竣爲時甚迫又

姚序

九

青至窮苦咸慮鉅刻所費不貲不

得不槩從儉約挂漏之譏知不免

矣錄成聊備採擇若夫增益潤色

之尚有待於名宿彩筆云

康熙十二年正月邑人後學姚景

圖修缺甫謨

青縣舊志序

按縹囊細帙擷芳漱潤奚翹數百家而或命之曰志者何蓋世代綿亘物情不知幾變換風會不知幾汚隆前事不念後事之師取諸考古證今以志不朽耳我國家肇造有一統志緘之鸞坡鰲禁遍而推

應舊序

十

五方異氣九土異宜鴻綱鉅典未必具纖悉爰自府而州而縣各輯一志俾守牧者以是爲指南不佞綰綬蘆臺甫視事卽詢邑志僉曰前未有也不佞憮然夫邑而無志將古歸古今歸今考證無據母乃在在記傳而青獨湮沒乎迺謀諸

學傳先生暨縉紳儒校相與次第

編輯亦旣就帙矣其間志及天文地理而紫帽扶輿觀察之如指掌志及風俗人物而好尚品格稽驗之若列眉田穀租賦有志而輕重多寡之數不爽錙銖文章綸命有志而淳漓旌別之殊亦允較著

應舊序

二

諸凡事例罔不備載青之前所未有者蓋從此創始焉緣付劖劂氏以傳之顧傳其志不若傳其所以志世人觀奕說譜疇不歷歷陳勝負法令之移手局中則色愴無措蓋得粗未得精是以十投而九誤然則出宰者卽爲局中人閱是志

而不泥狃迹直通精意爲之相時
勢加潤澤使古不戾今今不失古
庶幾勝筭在我而樹立不朽民生
有裨不蹈觀奕之誤也此則所以
志之意也若曰是志也僅以備觀
覽充珍藏猶買櫝還珠之見耳何
以志爲何以志爲語云神而明之

應舊序

上

存乎其人余序而弁諸首以俟後
之君子勿忘此志 肯

萬曆丁未歲孟夏吉旦文林郎直
隸河間府青縣知縣東郡應震伯
興甫誤

青縣志跋

先大夫自登賢書以逞愈事博物
不自暇逸其意常在邑乘也呂故
六籍而下如蒐官律歷人物爵制
風土山川河渠兵刑錢榷羣書研
北儼若百城臥遊所經舉八埏九
垓不翅與巢公一巢壺公一壺悉

姚拔

一

縮而置之几上兼訊宗工暨伊黎
獻歷稔者十可卒免褻績挂漏訊
將矣脫蘂緣待除于大司剡之曹
初磨茂宰而之大梁之東明覺寒
玉胎仙猶屬長物爰取是藁什襲
跋旃冀滿秩過里門資詔牒餘攜
而壽諸梨棗展生平一大快事也

不謂造物者諱忌辟之也如雨粟
夜哭似亦思洩其秘鬱攸肆烈歸
烏有焉不肖燕每過庭皆輒聆其
悼惜聲且示以按采之劬瘁竟成
生平一大欠事間嘗緬厥義類竊
自比於夏蟲詎有語冰而知者歟
然而蠡測筵撞之陋蛟蚋亦欲負
乎高山蓋軒翥乎龍門扶風之列
驅騁于廬陵涑水之間材不能優
而氣不可餒也

皇帝御極之十有一載歲在橫艾困敦
前侯楊公以修志委家仲以予小
子之細流河海乃不屑于擇俾與
諸博士弟子周旋從臾起極涂而

訖畢陬二望相屬才三盈辰耳頻
促有如束濕蹙蹙報竣縱製吉光
者必珍片羽採赤水者弗拘十斛
其如紋鳥未吞風霜匪挾何耶眎
春秋于皮裏較書厨而兩脚尚嘆
望洋嗟可知也于斯役殆幾乎揣
簫聳鐘而以爲日者矣所謂居乎
前後皆不能令人軒輊者卽足當
邑乘之嚆矢又何敢貪紉歸已爲
若云續前人未竟之業嗚前人未
慝之心予臯滋鉅矣茲慶遼左劉
公以孝廉高第來蒞此邦披編覆
讐咸正無繆奉瀛海守相王公教
毅然昇於杆工適觀厥成環聲遂

爾藉甚予用是感念今昔百端交
集剝彩雲散而斷木收也孰謂非
幸不幸也哉

康熙尚章亦奮若塞壯物成穀脣

邑後學姚景燾題

姚駁

四

青縣志跋

壬子歲杪邑侯楊公以修邑志屬
姚氏昆季不知星之不敏亦與屬
焉夫志青豈易易也哉鄰封全盛
職纂述者錄其舊續其新已耳無
多事事焉青志則否凋殘之餘諸
務廢弛舊志所載百無一二可因

馬駁

五

名雖續舊實同創始

星

孤陋寡聞

無著述才敢漫言續貂哉揆之二

三共事博學能文則不如姚子修

缺明智敏識則不如姚子世臣治

聞工書則不如戴子義臣至時事

廢興邑中利弊

星

管窺大畧亦有

片長相與酌人物之可否審事蹟

之去畱條列字句中裒多益寡竭

愚贊襄然非敢憑臆傳疑也一事

未信于心折衷不憚十反徵文考

獻博搜廣輯日不遑暇若夫訂訛

僞較舛誤則戴子繩武李子灼之

王子粲三李子子容胥與有力焉

歲前望日經始執筆觸祁寒閱月

馬跋

六

而工竣期乎簡而不漏詳而不蕪

足備一邑之實錄緣晷短期迫其

中不無疎畧尚以俟高明郢政云

崑

康熙十二年正月望日邑廩生馬

映星誤

青縣志後序

志比於小史由一邑而積之而郡

而省會而天下惟邑志是宋而成

一代之大觀史孰大焉青之志固

滄海一粟然此之未備如大一統

之紀載無外何卽非奉

綸綍之徵亦未可餘茲缺典况

真

七

新令頒行耶且守土者記往詒來攷殿

最而昭勸懲胥于是乎賴焉青又

當畿南要衝東南財賦罔不由衛

渠用達

天府勿謂殘區非重地也獨計故志之

鐫距今亦云久遠昔時梨棗未免

煨燼間存梓本簡編斷殘今起而

修之措大家旣歎萬軸五車復鮮
飛航健足稽訪之難併刻期之限
俱集欲志無遺良足畏已所幸邑
侯楊公得隱君子修缺氏泊鄉校
諸同人相與揆達牒訂已事謀于
父老酌以成見補軼彰隱芟蕪正
譌辨疑定信長善短惡

小子耀亦

戴後序

八

妄爲博諛謬加校檢附于鼓掌助
噪之意雖弁言已悉于元晏而倦
倦乎邑中之事無兩于斯者故不
禁踴躍而贅數語云

康熙十二年孟春望日邑廩生戴

耀祖謨

青縣舊志後序

青陽公爲邑志成以示予予披而
讀之經綸之畧康濟之猷津津出
諸口吻愈繹而愈見有調理也夫
青以衝疲邑且叢脞可更張者多
公甫下車日擊青之弊卽有意調
停以爲不知利病在欲調停無由

至後序

九

也乃以公餘爲此歷指其弊端昔
殷振者何今凋敝者何何仍何去
何增何損條陳而縷析備載一志
如飲上池之水者洞見人五臟受
病處某宜如此某不宜如此言之
鑿鑿無不曲中肯綮一投劑而奇
効可立見語云上醫醫國殆此之